

小峴山人詩文集

小峴山人詩集卷十四

無錫秦 瀛凌滄

渡湘江繫纜橘洲謁江神廟復乘舟至嶽麓

初旭澹瀟照汎汎逐溪驚人家江上佳門閭皆碧色吾
將采蘭杜三湘去安極甫聞榜人歌遽攜橘洲展登岸
禮江神層垣古苔積靈旂回颺鷄高松餘露滴蒼然緬
翠微名嶽了可識沿洄復中流天空挂帆席已有道林
僧雲中候來客

尋嶽麓書院觀北海碑取道游嶽麓寺

循崖謁講舍宋代臬比存張朱溯道脈沿流須討源欣

得舞雪趣童冠同躋攀流覽北海碑筆勢驚飛騫清泉
湛寒玉洗我襟抱煩竹徑見幽鳥導我窺松門遙聞空
際香遂禮風中旛節候迫春莫飛花徧湘沅忽憶荆郢
間方茲戎馬喧烽燧苦不息盜賊本黎元柰何潢池弄
屢歲勞戈鋌欲宣天子惠往使疲瘵懽匡濟媿何有
且與維摩言

下嶽麓寺行溪礪坐愛晚亭

久爲簪組繫幽興託巖壑小憩禪房深閒階徧花藥登
頓力已疲怊悵別蘭若修徑如長蛇宛轉足屢卻層蹊
連石砮度礪等略約虛亭界崑阬四顧森崖崿山雲戀

長松溪禽語幽籜忽聞寒吹喧冷然天樂作風泉了莫
辨清響雜鈴鐸誰令衆竅鳴造物默司橐冥心悟无始
元牝歸寂寞支筇下坡陀頽陽照林薄

嶽麓寺

斜穿石磴策孤筇古殿風鈴雜午鐘過澗泉分三峽雨
到門僧指六朝松遠颿隔樹湘流轉翠壁橫窗嶽色濃
犬吠聲中重回首桃花滿塢白雲封

嶽麓書院訪院長羅脊齋鴻臚

白髮鬢髭八十餘我來塵外訪巖居先生自占名山席
勝地應停使者車吾道媿難傳絕學斯文底用著新書

春齋說經喜用新說講堂花落春風寂鶴跡當階薜不除

潭州弔先淮海公二首

春寒孤館杜鵑愁曾泛瀟湘水上舟南去郴江多少恨
流將別淚過潭州

夢中醉臥古藤秋勺水華光一笑休九死還聞遭黨錮

孤臣歸骨滯潭州

先生卒於藤藁殯于潭政和中始葬無錫惠山

夢碧山房詩

夢碧山房在按察使治卽舊所稱半潭秋水一

房山者也余張碧山吟社圖於此因顏以夢碧

感事攄懷得詩三首

構此者誰氏官齋寸笏畱小山分嶽麓勺水割湘流寂
寂花如夢瀟瀟雨似秋偶思然楚竹身世等虛舟
衡湘喜無事衙散吏人稀雨燕忽然入風花多自飛年
光三月莫匡濟寸心違荆陝猶傳箭年年歌采薇
澤國連宵雨春流已滿塘官貧安蹇拙民困望豐穰柏
府才難稱柴門夢未忘碧山圖畫裏髣髴澗苔香

楚江寒食

楚國逢寒食春風攬客腸蠻歌連百粵野哭動三湘芳
草連汀綠殘花落渚香故山邱壠在昨夜夢還鄉

江上有懷

江上黃陵廟江聲愁楚猿飛花將桂楫飄蕩夕陽昏人
隔幾千里別來無一言心隨洞庭水流到我家門

君山茶歌

適有遺君山茶者送春之日汲白沙泉水煮茗
爲樂招同人並集署齋之夢碧山房因賦此

武林龍泓甲天下平生未煮君山茶甌中香味色佳勝
邢尹比擬真無差嫩碧疑涵洞庭色旗槍片片開槎枒
蕙蘭九畹鬥芳馥瀟湘一氣蒸靈芽想當穀雨雨新霽
活火細焙風簾遮頭網八餅忽分餉犂臆廉襜韡紋斜
爲言產傍柳侯井巴陵新莽人傳誇入手封緘坼青籊

便當囊以紅碧紗日長晝靜置石銚官事蠲了吏散衙
折柬今朝召嘉客空庭正放茶蘼花魚眼蟹眼鼎欲沸
颼颼松籟聲交加向來竒癖愛茗戰風篁深谷張谿訝
西神之泉縱難得喜有甘醴含白沙白沙泉在醴陵坡買來但
壓僕夫擔不須置遞塗人譁落盞欣看乳花泛酌罷兩
腋生烟霞

登笠亭有作

亭在鐵佛寺後會稽梁文定公撫湖南時築

近郭香風擁佛幢會稽遺構隱平砑竹光墮地寒於水
嶽色窺人綠過江夢裏生涯思短笠眼前世界納疎窗
林間何處驚棲鴿一杵齋鐘老衲撞

長沙懷古四首

星垂鯨尾動天文華路開疆紀舊聞廢壘劫灰迷楚望
荒宮燐火弔番君長沙郡古三湘地節度營連九道軍
日莫登臨何處是鷓鴣橫叫洞庭雲

殘礎遺隍蔓草生古來形勝接巫荆軍麾每憶陶公幕
霸氣還畱漢壽城殿號九龍曾竊據寨名飛虎幾屯兵
南朝統制虛籌策剩有熊湘夕照明

李潭州已殉中原異代重驚殺氣昏草檄飛書空復爾
剗羊屠豕豈堪論道旁幾見王孫泣江上難招杜宇魂
慷慨興儔同日死白沙秋水映祠門

胙土酬庸異姓王
藩封議欲撤巖疆
陳豨漫領諸軍叛
吳濞能令六國狂
一自妖星躔洱海
遂教兵氣滿湖湘
天心八月潛鋤逆
下瀨戈船抵夜郎

道鄉臺

先生生吾鄉
遠向南荒謫
曛黑渡湘水
猶遭郡守厄
疎林辨燈火
山僧迓來客
巖深虎豹號
寒飈動魂魄
道心證空虛
夷險理不易
至今高臺畔
荒祠無人跡
座冷簷蠨蛸
垣傾鎖蘿薜
悠然念前躅
無恙瀟湘碧

題王石谷山水卷

琴川妙手如王宰
靜向閒窗點綠苔
傍石漁磯上新水

過橋花徑掃殘梅
鋤攜鴉嘴三春雨
筍長貓頭一夜雷
蓋得溪垌數間屋
酒人相約看山來

山行復乘舟渡湘水

使君行部亂山中
野老相看不避驄
幾陣寒經梅子雨
一番香過楝花風
雲深何處響樵斧
渚闊有人收釣筒
問渡便浮湘水去
年來心跡羨臯翁

二妃墓

二妃墓前多女蘿
青青終古奈愁何
九疑日落蒼梧遠
無數晚山橫翠娥

卽事

雨餘深樹碧連江欲采芙蓉度石缸一曲滄浪人不見
夜來新水沒魚樵

岳州

一水包南紀濤聲撼岳州星辰翻地濕漢沔接天流跨
鶴誰橫笛懷人獨倚樓巴陵昨夜酒應醉洞庭秋

晚過岳陽樓

縹緲飛樓不記年當窗湖水欲吞天三更醉聽巴陵雨
四月寒生夢澤船納納乾坤成老大茫茫今古問神仙
不知何處招黃鵠鐵笛數聲人扣舷

曉登岳陽樓

重俯蒼茫日未升危欄獨倚最高層五更鮫蜃仙山現
九派魚龍水氣蒸巨浸西來吞下雋亂雲東望走孱陵
道人只管曹騰睡滿枕風濤喚不膺

述事二首

首春莅湖湘官事勢方蹙民艱困斗升往往歎仰屋富
忙事固積有米不肯鬻遂多不逞徒剽敎到芻粟唱一
和者百如燎不可撲長吏盡色變謂欲緩彼獄余亟請
大府擒治付桎梏但當誅其魁羽黨忍駢戮斯民皆赤
子於義當鞠育饑寒弗之卹乃令羅網觸刑者不得已
吾輩應三復

怒蛟螫蒸江山谷突崩渚彼民亦何辜淹沒及田宅上
年苦旱乾閭閻病疴瘠縣官倉困空患且生肘腋飛章
報 天子庶救此方厄側聞朗州郡亦患淫潦積堤垸
委洪波安能事芟柞有司蘊其年直陳懼上責 聖人
方在御柰何事諱匿所幸中丞賢一一告我 辟民旣
免溝壑吾亦安衽席

喜陶季壽歸自桂林攜李松圃韋廬詩至

天寒桂花落秋風滿庭樹端居方抱疾言將謝簪組之
子湘南還衣上灘江雨手攜冰雪卷清言出肺腑如聞
邱中琴繁喧了無取坐久涼月生流影入窗戶寥寥天

小巖山人詩集 卷十四
際鶴掩卷膺獨撫

謂李少鶴

夢中訪一道院得句醒而記之

幽禽無數語引勝到仙莊藥氣侵茶臼松花墮石牀青
山從世換白髮閉門長芳草年年色支頤坐夕陽

先十世祖存赤公令辰溪祀名宦瀛司臬湖南以
道遠未遑瞻拜屬辰州守重新栗主並葺祠宇爲
詩以誌

吾祖昔鳴琴荒城何處陰雲連蠻洞黑水落武溪深畏
壘緬猶昨警宗傳至今甘棠遺愛遠峒戶有謳吟

寄思南權守周希甫

長安一別幾經年別後相思總惘然持節忽來湘水上
寄書還隔嶺雲邊功名於世終何補簿領如君更可憐
衰病莫論康濟術白頭準擬賦歸田

登橘洲北極閣

宦游真已到天涯愁上西風八月槎每向芳洲尋杜若
獨凌傑閣俯星沙水通江漢三千里日照瀟湘十萬家
猶憶去年朝禁掖回看北斗是京華

池邊

池邊涼月上微露濕芳叢萬籟此俱寂孤懷誰與同清
宵罷盃酌餘興託絲桐無那洞庭畔蕭蕭來鴈鴻

太乙禪院訪桂

出郭三四里楚山無數迎過橋篁影密入院佛香清客
到攜茶椀僧閒洗藥鐺相期踏黃雪花下證无生

夜坐

百年何事不開情獨坐昏黃睡未成卽目都看非故物
回頭真似隔前生滿庭脩竹月無影打屋亂梧秋有聲
安得濟時心願了荷耒歸向歷山耕

江國

江國見秋色洞庭初葉飛湘君瑤瑟怨山鬼女蘿衣抽
宦百端集故人昨日歸五湖鮭菜好爲我問漁磯

坐聞秋風

吾意入禪定焚香夜方中蕭騷打牕紙楚澤聞秋風萬
葉忽如雨衆星猶在空依微一燈外莎際咽寒蟲

秋望寄朗齋湘亭在武昌

故人南北共相望誰道風烟不兩鄉涔浦秋來隔荆鄂
嶽樓高處見瀟湘黃知橘柚輒含雨白到蒹葭夜有霜
自歎經年成老病何時同醉菊花旁

病中見木芙蓉

清霜被秋圃靡靡瘁百草木末見芙蓉艷艷爾獨好含
姿媚初旭吐萼冒寒沼多恐西風吹庭前跡如掃人生

無百年貞脆誰能保一與江南別縣縣思遠道我欲寒
芳杜湘中秋已老

送張蓮浦太守之衡州

星沙父老尚攀轅五馬移旌路幾盤水落蒸江雙峽暗
秋高衡嶽萬峯寒方資長吏甦疲瘵端爲明廷佐治安
松柏還爾停蹕地更憑瞻謁問祠官

余將以修葺衡嶽廟請于大府故云

兕觥歸趙歌

朝衣狼藉飛血肉午門杖罷孤臣逐誰歟贈者此兕觥
祖餞惟聞許文穆江陵枋國神宗年中外振刷極九邊
奈何奪情冒不韙彈章全集驚飛跼鵷行同輩吳沈艾

公等殺我無已太後來文毅幸賜環江陵既敗政亦壞
白衣蒼狗何可云相公籍沒崑岡焚兇觥棄置亦何有
廟堂黨論尤紛紜輾轉流傳到浙右何年此物歸曲阜
今日重返龜陰田神鬼撫呵定非偶文穆爲庶子時以
兩公交相怨文毅遂棄兇觥章息廬記云趙傳門人
黃瑞伯黃傳門人陳潛夫今由曲阜顏氏還之趙君
不見張江陵楊武陵籍籍謗議如雲騰九重虎豹叫閭
闔先臣遺腊神猶憑吁嗟乎江陵功罪在青史武陵庸
才安足比千秋不朽祖與孫以角觸邪怒如兇

答李石農觀察

上年去杭州無緣與君別今年在長沙思君重凄切君

山山高湘水流不盡萬古之離愁何期尺綫入我手迢
迢雙鯉來東甌書中兼復附新什長言累幅何綢繆挑
燈展讀再三四衙鼓漏盡安能休與君同作金門客四
載京華少接席我先官浙君亦來握手懽然如夙昔交
聯僑胥西湖湄上下千載無差池吾儕意氣互推許風
雅亦與前人師雙丸跳躍那可說荏冉歲月同奔馳只
今一別竟如雨後會渺渺知何時近來楚中苦多事民
力頻年竟彫頽我已衰病無一能擬賦歸歟守衡泌如
君癘疥之疾不足憂君言有微疾況乃海氛漸息東南陬永
嘉本是山水窟題名鴈宕觀龍湫把君尺綫三歎息欲

往恨乏雙飛翼且園無恙松桂幽滄浪水似瀟湘碧

且園

在溫處觀察署小滄浪余所題也

遠道緘詩却寄君七澤寒風莽蕭槭

謝蘇潭中丞重修黃文節及淮海祠以詩見寄和

韻答之

蘇門學士來宜州極目天南城上樓同文黨錮亦已急
僉人病國何時瘳熙寧事往劫灰滅瘴江木落蠻烟秋
楚鄉亦有古祠在惜哉不逢康樂侯

郴江水接灘江水元祐詞臣貶謫初春草已湮吾祖跡
秋風忽枉故人書祠荒古岸微雲抹花落寒城畫角疎
幸有中丞能起廢不須南望渺愁余

再游嶽麓寺

曲塢依希磻道分數聲清磬隔烟聞松門延客聽江雨
花徑畱僧宿嶽雲剔蘚更尋神禹蹟循崖重搨李邕文
籃輿欲下忘歸路意與山禽戀夕曛

粵西學使錢裴山將還 朝先以書至屬題秦棧
蜀江兩圖輒題此迎之

平生夢想秦棧奇兩腳未得凌厓屨嘉陵西更數千里
玉壘迢迢暮雲裏故人奉 朝命馳傳過褒斜歷參復
捫井驛路通三巴眼前突兀起疊嶂五丁開鑿非意匠
斗壁嶄巖歷大劍衆山連鰲鬱相向人馬如豆延緣行

蝘附虵盤各殊狀天彭破碎在足底一落層崖幾千丈
直渡灌口趨成都濯錦五色江縈紆鎖院燭跋事方了
九月又上巴人舸濫潏灘畢塘水夔門浪險石齒齒船
穿黯黹深井陘峽束谿訝怒湍駛白鹽赤甲爭送迎朝
暮啼猿啼不止今君過此經四年舊游回首隨雲烟何
來兩幅好東絹刻劃妙入秋豪顛明朝繫櫂烝湘曉同
話 樞廷故人少遙拜 山陵草又春蒼梧有淚灑松
筠可知畫裏乘輶客猶是 先皇舊使臣

題溪上夜歸圖

葉落碧溪上我從溪上歸溪風弄明月照我山間扉稍

辨隔林火前邨烟靄微窗前數竿竹竹露霑人衣

送人還江南

秋色滿巴陵巴船下洞庭不知秋月夜何處弔湘靈江
廟神鴉黑楓林戍火青離懷入瑤瑟彈與故人聽

寶劍

恩怨百年盡何煩鳴不平卻看橫劍氣炯炯向人明牛
斗忽無色風雷時有聲松房閃鬼火吼出蒼龍精

妙高峯尋古南城書院遺址

書院今爲高峯寺亦寢廢

獨往城南路楓杉古徑幽嶽雲寒不散江水斷還流廢
寺鐘魚歇空堂鳥鼠秋更無碑碣在吾道問林邱

苴亭晚眺

亭在南城書院舊名且亭院長陳每田太史補而葺之易今名屬余題額賦此

高館凌坡陀城角虛亭廠翼然覆重茅騁目得遐賞萬
瓦比如鱗一江平似掌暮色從西來天地入蒼莽遙峯
澹斜陽幽磴流夕響松寒鳥欲歸竹暝烟初上生徒罷
齋講卽物同偃仰觀化崇內照樂志希外獎百年聞道
晚終慚絆塵鞅

送畢莘農之衡陽

士有栖栖者臨歧手重分
猗啼秋浦月人宿舍江雲仍
賣文爲活堪憐酒易醺
十年將母淚落葉共紛紛

十月廿六日邀同孫石溪陳蘭莊鄧少甫陶季壽

游嶽麓題名北海碑陰取道清風峽至寺觀白鶴
泉有作

衰老思歸田養病困牀第何期小陽月復到嶽麓寺凌
晨出郭門江上帆如織同舟三四人北風逐寒吹停橈
野岸旁撲面嵐滴翠重捫北海碑巨石戴鼃屨刺史開
元年撰文兼作字刻工江夏黃仙鶴三絕見方志後人

費鉤勒規模猶畧備自從李唐來題名米芾始鸞飄與
鳳泊錯落劇可喜諸子乞我題勅弱怯腕臂聊爲書姓
氏歲月并一記忽聞清飈來峽水噴若凜遂循磴道行
登頓牽薜荔萬松幕重岡蒼然護初地侵階碧雲冷穿

林薄日媚泉喧谷轉靜巖窮徑逾邃班坐依澗潭歸禽
亂無次卽景緬前游回首疑夢寐春來桃始花今至葉
先墜感此赴壑虵吾生易顛頓南湘舊名勝幾躡賢達
屣一往不可作茫茫終古闕所以羊叔子嘗墮峴山淚
賔從旣已邈斷碣亦淪棄祇賴功業存至今有餘思千
秋萬歲名寂寞身後事吾誦杜甫言登高發長喟

題浮湘圖

曲曲轉孤篷江流只向東寒山晝啼猿遠渚暮歸鴻瀟
水自茲合湘筠凡幾叢木蘭舟上望二女綠雲中

寄題衡嶽廟用昌黎韻

我恨不見昌黎公狎浪鼓舵湘江中七十二峯嶽雪靈
天柱卓立南維雄到官一載有官事攀躋不得層崖窮
祠官告我廟兒古滲漉上雨兼旁風將請大府亟脩舉
默默先以精誠通昨夜夢陟鴈峯頂足底衆星皆在空
低昂萬岫盡揖讓赤帝斯館神昭融金支翠蕤渺荒忽
泠泠鐘磬喧靈宮須臾騰躍一丸出朱鳥照耀樽桑紅
蟣蝨小臣媿愚妄薦馨謬擬陳丹衷惟神祭秩匹嵩岱
沛澤務福黎元躬應念湖湘苦彫瘵粒玉薪桂茅簷同
五更漏歇催夢醒欲訴真宰言未終皇天眷佑埽殘孽
薄海自荷神明功披衣擲管和韓什但見曙色光朦朧

顧我年衰竟何用明日歸老滄江東

寄題合江亭并示石鼓書院諸生用昌黎韻

江亭枕湘江

昌黎句

我家大江左浮江泝清湘綠真不可

唾咫尺阻游屨未得挈僚佐吾衰寡嗜欲已謝聲色貨
祇有山水懷勝處思一過緬惟孟縣韓竄謫遭挫折上
書燒佛骨唱一衆孰和能聞衡山雲蓮花呈箇箇文章
吐光芒意氣耐坎坷碑尋神禹題祠弔諸葛臥古人今
寂寞長謠虛獨課茫茫千載下我亦愁無那安得起昌
黎與世激頑懦元精貫心胷星斗相蕩播士果志乎道
何妨守寒餓一旦貢玉堂足爲邦家賀柰何趣日卑術

業委窳惰春風披講帷諸生紛侍坐張朱跡可紹屈宋
壘可破寄言鐫石壁莫令塵土浣

憶山中人

江頭夜來雨梅花無數飛遙知故園友方掩林間扉比
隣雞黍熟五湖鰕菜肥沈沈動春酌醉歌忘是非

哀閨齋

尚書墓上白楊枯五品頭銜送爾軀本以才名招謗忌
漫教世事蹈艱虞江山賦筆題鸚鵡風雨詩魂泣鷓鴣
慚負生前書札語交游誰可託妻孥

送張桐圃北行

相知不相識相逢湘水上相識歷冬春相別重怊悵殷
勤過我別將理江頭榜離觴不得御誰祖郭門帳頻年
罷郡符白髮非少壯長沙苦滯淫行行復安嚮 朝廷
方用人一官豈流宕商畧出處間此事難意量徇物志
易乖適已理無妄大易脊悔吝蒙莊齊得喪吾將采芝
朮名山誓長往

寄題浯溪石

我夢浯溪游獨坐浯溪石月山林間峯照見溪光碧

小峴山人詩集卷十四

小峴山人詩集卷十五

無錫秦 瀛凌滄

送周半颿游南嶽

春風搖碧草送子湘江湄扁舟澹容裔爲問行何之言
將陟南嶽迴雁峯屢屢拄頰瞰祝融脚底升晨曦髣髴
魏夫人來自蓬萊池翱翔侍玉女嶰竹吹參差翠蓋引
朱鳳赤節聯白螭湘娥歛來會行把東皇衣九疑弔虞
舜一逞不可追鼎湖去已邈攀髯涕漣洏我方與子別
投簪便東歸試看吳田鶴招我西神陞

三閭廟

左徒祠宇枕雲岑山鬼奉蘿晝獨吟芳草還生三戶地
清湘應識九歌心荒唐呵壁天難問寂寞懷沙怨不任
欲向虛堂薦椒荔不堪腸斷女嬃砧

賈太傅宅

千秋弔屈涕彌襟卑濕長沙歎滯淫此日沅湘猶有恨
當年絳灌亦何心龍藏古贄寒難蟄遺井尚存鵬叫空庭晝
易陰遺宅蒼涼斜照裏塵昏畫壁蘚痕侵

題浯溪磨崖碑

延秋門上烏啼血阿鞏長驅犯宮闕金蝦蟆化黃長蚪
青驪西季何倉卒靈武卽阡收兩京百姓遮道懽聲騰

裴杜上牋詎得已重復九廟稱中興興慶歸來自劒閣
五陵佳氣咸陽郭司徒振旅被幽燕僕射援袍清朔漠
磨崖文字瓊琚辭臣結拜手稽首爲平原鐵筆更卓絕
大書深刻鐫犀屨千秋碑版未斷碎精芒隱見蛟龍背
電母夜燭星斗昏山鬼晝捫風雨晦社稷至重理豈違
涪翁底事翻叢譏後來覺隙由李父追咎厥始毋乃非
涪溪溪水碧於玉道州遺石蒼崖曲至德事往誰能追
畱與行人買碑讀

送孫石溪教諭之潛江

我欲返鄉邑爾行還在先洞庭春色滿何處潛江船驛

路過千里廣文仍一瓊知君不能薦應媿古人賢

題沈澹園

清在

觀察遺冊

平生未識澹園面幸有蕭疎畫本存我是杭州舊使者
西泠橋下與招魂

又題澹園六如圖

墨露亭荒桃塢休卷中楊

笠湖

顧

響泉

亦山上只今我

悟如如法六十歸田也白頭

爲汪容川

注

郡丞題倉塢圖

桃花一塢釀春煙況有幽篁翠遍天下築僊源最深處
倉山幾點在門前

我昨挂瓢湖上路匆匆未及訪幽廬誰知舊日瀛洲客
早占神僊福地居

爲郭頻伽磨題水邨圖

君鄉前輩徐檢討曾寫楓江漁父圖如此水邨隱亦得
看君也似釣人無

聞爾移家魏塘住故園拋却閉柴扃阿儂已約天隨子
直買扁舟下洞庭

告歸述懷四首

按部聲名忝外臺西泠移節楚江隈偶尋嶽麓碑千尺
只飲湘流水一杯歸去剩攜琴匣伴病餘思買藥苗栽

昨宵道士貽書至共踢三茅觀裏苔

昨夢惠山一道士貽書招余

此邦人識使君清壓檐歸裝比葉輕
半世黃塵拋碧社十年白髮爲蒼生
抽簪早占漁樵席卧轍難忘父老情
移得錢江離別淚春來又向洞庭傾

三月鶯花故國天滄江此日放歸船
鹿門有約難尋婦陽羨無貲更買田
誓墓久虛松舍計入山重結竹林緣
從父都轉公久引疾歸漫誇六十懸車早未及前人致仕年

報國平生願豈違主恩今許遂初衣
吟壇未築西

神塢詩老先迎北郭扉

謂伊樂

名位縱無司馬重風流差

比樂天歸江南昨夜桃花水已沒
門前舊釣磯

別長沙後作

昨夜別湘君荒江又夕曛
離心與春思飛絮落紛紛
片席挂江樹亂山橫渚雲
只看洞庭岼歸雁亦成羣

寄謝馬朗山中丞

儒臣開府到湘中喜拜麾幢氣誼同
每布忠誠持國是獨憐衰病遘
宸聰感恩此日兼知己去位何心轉負
公鄭重加餐臨別語回看嶽麓思無窮

渡洞庭

君山弄新翠日霽澄湖陰靈旗二妃廟
迢遞白雲岑欲往申藻薦窟宅魚龍深
我本滄洲客銜命三湘臨一

朝解纓組匪云薄華簪每懷主恩厚皇天鑒微忱壯
歲挂朝籍衰老力不任孤根自靡托白髮況侵尋逝將
返田里且弄上中琴黽勉屬同志乘時方在今試汲柳
毅井灑作天邊霖

時長沙
方望雨

洞庭湖觀落日歌

洞庭黏天四無壁瀟湘之尾神所宅夕陽欲落猶未落
倒浸湖波半天赤黼風怒捲吹洪濶冶雲飛火燒金丸
硃砂亂灑鰲背濕珊瑚遙射龍沙寒一點君山柳侯廟
漠漠神鴉銜返照須臾風定霞更綺上下天光互相耀
后羿有弓不敢彎夸父欲逐藏虞淵羲和作意弄狡獪

驅遣水怪操朱鞭不然冰綃著顏色帝女湘妃手親織
層樓翠阜虛無間舊傳君山有蜃樓隱見似此奇觀了難測岳陽
樓前暝色昏雲錦忽散歸胚渾軒轅廣樂杳何處又看
明月如銀盆

得謝蘇潭中丞粵西書以詩寄謝并寄阮芸臺中丞

遠道書來喜不勝頻揩老眼夜挑燈蓬巒一別春雲散
蓬巒軒名謝公官浙藩時所題額阮公書粵嶺千重瘴霧蒸漫許蒼生還繫
望誰知白首竟無能阮公儻寄天台杖獨往名山幾尺
藤

望岳陽樓不復登

巴陵城郭惜匆匆寂寞長隄過偃虹帝子精靈春草外
僊人樓閣夕陽中數峯青入瑤琴曲三月寒侵玉笛風
便欲借騎黃鶴去我家還在大江東

鄂渚二首

薄暝江天色維舟楚岸斜浦雲明戍火樓笛落梅花雨
急磯崩石灘平水嚙沙古今多少事愁聽渚宮鴉
對面晴川閣殘春只似秋禹功存大別漢水合中流軍
府徵輸急山川鼓角愁遙應秭歸路早晚障雲收

黃鶴樓

昔年鄂渚倚高樓，衰鬢重來三十秋。
黃鶴豈知塵世事，白雲還接大江流。
蹄涔勛業終何有，鼎竈神僊不可求。
從此長安真日遠，且容吾道付滄洲。

擬重游武昌西山雨阻不果

春風吹綠春江煙，朝辭黃鶴聞旂旌。
臨江赤壁幾千尺，回頭錯過心茫然。
武昌樊口在隔岸，西山翠落蓬窗前。
打鼓張帆捷於箭，頃刻已泊寒谿船。
蘇黃諸公舊游處，風流事遠七百年。
我亦衝寒昔曾到，大雪爛醉松風巔。
磨牛陳跡等如夢，往日少壯今華顛。
誓將賈勇理筇屐，登陟重證名山緣。
苦恨雨師太作劇，泥滑樵徑艱乘筇。

山靈恠客毋乃俗如蠶縛裏多拘纏棄官豈復有官事
勝地飄瞥如風鳶我謝山靈莫輕誚年衰脚力殊輕便
仁者樂山得山意意到何必勞重趼譬諸泉明悟琴趣
壁上往往琴無絃西山遙睇極絲邈況帶煙雨尤蒼妍
分明一幅大癡畫好擬潑上鴉青箋楫工解纜客便去
但見漠漠江吞天

琵琶亭

江州遷客愁如水商婦琵琶寓言耳白公一去江茫茫
琵琶亭古畱潯陽公豈天涯淪落者尙書終老香山社
我逢聖主今投簪平生無淚沾青衫偶向琵琶亭上

坐千載如公應識我勿彈琵琶且鼓琴薰風一曲和人
心

舟行雜詩十八首

橘洲芳草別離心回首長沙暮雨深二女祠前野蕭瑟
綠楊影裏是湘陰

淼淼湖光浸遠空君編山色白雲中先憂後樂平生志
對此茫茫憶范公

布帆已過洞庭西歸夢連宵返舊蹊誰道鉤輅行不得
未須愁聽鷓鴣啼

祭風臺古剩荒墟赤壁橫江霸業餘何暇問他三國事

亂帆斜日過嘉魚

楚雲漠漠楚天長
落盡江花春水香
人在鄂君船上坐
冥濛煙雨似瀟湘

落日齊安石壁開
髯蘇祠宇枕蒼苔
吹簫無客臨皋暮
還有南飛一鶴來

詩人魂魄寄黃州
文酒因緣一旦休
尙有流離妻子在

何時孤櫂返林丘

徐朗齋隱在黃州
其妻子在武昌

叢祠篝火托妖狐
阿父煙簑老釣徒
屠販英雄空復爾
有人江上送頭顱

不見當年吳武陵
酒壚重過涕先零
記曾載酒寒谿寺

醉上西山九曲亭

海豐吳公雯嘗宰武昌先大夫執友也余嘗隨先大夫宿武昌署中邀余

游西山大

醉而歸

桃花流水鰕魚肥西塞山前白鷺飛誰是逃名江上客
絳簑青箬釣人歸

灌嬰城下水微茫湓浦春流下馬當父老雞豚喧古社
居人猶賽九江王

昨日庾公樓下宿篷窗坐對香爐峰亂山一碧過湖口
忘却停橈游石鐘

潯陽潮自小姑迴漁罾家家碧樹隈劇喜鱖魚新入網
今年忽過臯欄來

楊花多事撲春旗
斥堠臨江接富池
江上晚風何太橫
神鴉飛過仲謀祠

忠宣遺蹟傍危亭
一箇荒墳倚翠屏
偏有僉壬工賣國
江山遺恨阮懷寧

事如春夢了無痕
用東坡句三十年前訪許渾
再到鳩茲頭

似雪怕聞鄰笛怨黃昏
蕪湖許櫟園先生亦先大夫友嘗隨先大夫飲於其家今三十

三年矣

江南一衲蠶公死閒殺青山六代陵
莫向水天譚舊事
更無人識碎琴僧

白髮重尋白下門
蔣山山色最銷魂
零煙碎雨秦淮柳

中有南朝舊淚痕

過采石磯放歌

滄江瀉寒醅采石此一束濕雲不遮山風蕩蛾眉綠開
元天寶事往成千秋長庚星竄江山愁此是當年宮錦
舊游處白雲明月還似當年不大兒郭令公小兒天台
子平生氣懾高將軍從永王反那有此一朝落魄游夜
郎天遣騷客投蠻荒放還江東如此好山水狂歌痛飲
竟死蛟龍鄉我從瀟湘弔屈賈歸來漸近金陵社謫僊
醉魄不可呼人間共是悠悠者鷓鴣杓鸚鵡鎗十千斗
酒爲君傾鄰邊還有綠綺琴一彈再彈與君聽風泠泠

八岐山人詩集 卷一 五
今水冥冥回首不見峨眉亭但見青山一帶橫煙屏

雨中見磯邊釣者

危磯鎖江湍日夕春潮送洩雲飄似絮嫋嫋魚竿動中有釣魚人雨濕蓑衣重

登燕子磯

滄海一鳥衣東風吹不飛我行綠蘿徑僧掩白雲扉天地仍芒屨江山又夕暉回看王謝宅人事六朝非

永濟寺觀石壁

旃檀香裏話禪宗曲徑名藍積翠重石棧倒懸千仞壁洞門深鎖六朝松雲迷山鬼棲寒荔潮落林猿拜晚鐘

合掌頭陀杳相送斜陽猶在最高峯

到家

高梧院落午陰遲
新署頭銜是老癡
九塢雲煙侵几席
百年勲業負心期
懶看世上翻棋局
閒愛溪干把釣絲
爲道門前可羅雀
故人誰寄買山貲

曉發

殘月曉猶在山鐘
出寺樓蒼茫露氣
集獨上城南舟去
郭三十里市聲喧
渡頭始知御亭近
孤櫂且夷猶

金閭歸舟

初日闔閭城半江
柔艣聲歌迴竹枝
短浪逐柳條輕官

還慚衰病身閒負 聖明吾鄉方苦旱
軋軋水車鳴

吳門雜詩

闌風伏雨過三庚 竹木蕭疎涼欲生
小港斷橋邨塢裏

青山遙映峭帆行

過泖墅

葉葉風帆下洞庭 濕雲橫截亂峯青
龍威秘簡今何處

擬住名山注水經

剪取煙波杳靄閒 石湖幾曲水彎環
我來不見堯峯叟

月上楞伽一角山

最憶風流賢茂宰 六如居士是前身
夕陽紅徧桃花塢

寂寞陶山去後春

唐陶山宰吳縣時重修唐子畏墓今已擢海州牧去

舊夢春明十四年磨牛踪跡已茫然西冷煙月三湘雨
都是今生過去緣

祠尋短簿映斜暉陌上花鈿緩緩歸斟酌橋邊橫繫艇
波痕綠上酒人衣

吳歌

生小愛吳歌江南煙水多數聲乘月上一夜奈愁何約
約隨柔艣依依送綠波篷窗無寐者支枕看星河

偶成

颯颯秋風動早涼病夫老去鬢先霜客嫌喧沓添詩債
家耐清貧減鶴糧刪竹疏窗延月色移琴危石就山光

昨宵偶作湖湘夢還有蒼生念未忘

卽興

回首風塵已息機
駕溪虹影枕漁磯
早判出世忘榮辱
不信歸田有是非
雨林閒歆壑笠趁晴花底曬朝衣
松枝塵尾生涯足
除却看山便掩扉

喜陳華南汪小海過訪卽同游惠山集家園并約翼日汎舟五里湖有作

爾愛山中好相尋
叩磻扉入門聞瀑響穿塢見雲飛
嵐氣橫當屋溪光冷浸衣
明朝五湖約汎宅便忘歸

山園二首

幽篁碧無際意與九峯深涼吹起巖谷兼之鸞鳳音欲
攜嵇阮輩同此坐空林彼美隔秋水悠然无悶心訪竹
曉露淨如洗一叢秋氣清寒香動林麓桂樹在南榮寂
寞少人處流連招隱情待他花發候金粟證前生採桂

懷小泗弟二首

故國喜相見其如又送君別來今兩月人隔大江雲枯
澤魚方竭危巢火易焚棲喬無事柱頰看斜曛
絕少江頭鯉無緣寄汝書汝書亦不遜相憶竟何如憫
俗愁難問謀身計本疎尙餘三畝宅終老事畊鋤

同華南小海汎舟五里湖和小海韻

一櫂絕流渡湖山如此奇峯峯白雲起似與幽人期葭
莢沿塘亂炊煙出塢遲閒鷗心事在說向老漁知

泊舟煙雨樓下雜詩四首

釣鼇磯畔泊輕船疎雨冥濛水似煙驚起鳬翁瞋不得

一時冠蓋集神僊

小尹太守率其僚屬來見

一簾秋水映禪鐙南浦微聞唱采菱攜得都籃親餉客

碧蘿影裏白頭僧

寺僧贈鮮菱

槿鶴飄然不入城芒鞋竹杖怕將迎片帆便掠南湖去
父老依稀認去旌

門生袖裏出新詩訪我扁舟水上坻願爲老夫作前隊

射襄城外夕陽時

俞生德華來言
先赴海昌候余

與周松靄別却寄並簡俞潛山

海上老宿周與俞
睂宇一一商山芝
俞老矍鑠頗健飯
周老病後形支離
清宦歸來乏饘粥
日日閉門惟誦詩
鳳凰覓食豈得已
又或斂之使忍飢
蕭蕭白髮委巷裏
人世落落知者誰
羣經音畧刻方就
欲刷千本囊無貲
我與作別已兩載
重訪君舍滄瀛湄
懽然共飲騎尉宅
謂陳默齋更約俞老同
心期三秋桂花落
黃雪梧桐葉墮金
風吹吾儕復此感
離別渺渺後會知
何時扁舟今過梅
會里小長蘆邊尋
釣師挑燈作歌寄
周老并示俞老一

和之

吳槎客陳仲魚汪小海東川馬兩如招游硤石東
西兩山適楊書巢自杭州至出和余告歸述懷詩
見投用前韻記事

拄杖閒尋顧況臺東西峰影硤川隈兩山勝地先逢寺

先游西山

八月秋風共舉杯

集飲東山嶽廟

鶴爲迎人當戶立

松難問歲幾時栽樓鞋桐帽行吟處踣徧荒蹊破綠苔

一到名山秋氣清籃輿共舁覺身輕

仲魚書巢皆余門生昔所舉孝廉方

正也窗前盡放煙雲入海上同看日月生去位漫云民繫

望濟人應識佛多情病夫心事難忘處好爲羣公細細

傾

昔日雙旌駐海夫不曾此地繫吳船潭明劒石斜通塢

港種桃花別有田鶯嶺夢游虛後約

友人約游杭州壑卻之

鵲湖

補到亦前緣舊題白傳標遺蹟長慶風流九百年

嘉慶四年

素清僧于紫微山重修白

公祠余爲題額并作記

吾儕招尋願不違老來合稱薜蘿衣良游興洽方移席

舊雨情深又款扉白髮新詩勞汝和青山流水送人歸

挂帆只此分張去莫更殷勤問釣磯

諸君擬送余至嘉禾再集釣鼈磯余

辭焉

登快哉樓

曠望俯平楚登臨亦快哉雲陰浮檻動塢影渡溪來天
地雙丸小風濤萬壑哀海山七十二絕頂是蓬萊

自紫微山至審山有作

紫微斜日照松關兩點橫及茸靄閒莫笑老夫腰腳輒
明朝還上食其山

流水禪居贈粹公和尚

秀水人

到門流水住忽遇浙西僧齋罷聞禪誦窗虛見佛燈池
陰萬竿竹旛外一枝藤知余思初地南湖夜雨增

劉芙初自揚州歸以詩見投和韻荅之卽送芙初
之杭州

爾曾謁我錢江上方駕輕帆向楚中隔歲詩成今把讀

梁清溪畔又秋風

美初詩作於前年冬乃送余移臬之楚南也

墳簾先後赴重泉命薄如雲欲問天髣髴門風餘亦在

相看還爲故人憐

美初尊人及其從父與余暨舍弟士蓮爲同年今皆沒

湖上歸來煙水寬具區也當洞庭看衡雲不解畱儂住
纔到三湘便棄官

邗上題襟絕妙辭西泠從又賦新詩登高試上吳山頂
正是觀潮八月時

卧病

憂樂關心夢寐勞近來多病卧江皋寒風葉戰梧聲老

人山詩集 卷十五
莫雨天橫鴈影高豈有涓埃酬 聖主漫將事業付秋
豪傳書稍喜邊烽靜三楚頻年已蹕騷

聞韓城相國請告未允有作

獨立清風不可攀相公投老欲西還經綸卅載鬚全白
烽火三秦血尙斑江國慣容原憲病 朝廷未許涑翁
閒可憐曝背茅檐底笑兀空思厦萬間

贈破公

願公移錫竹爐邊我有菟裘在此閒須結兩人香火社
公真如滿我香山

登樓感懷亡妻

環溪城郭白雲秋倚徧闌干最上頭豈有懽娛同命酒
最無聊賴獨登樓水如別淚常流恨山似傷心亦解愁
一片夕陽簾外影西風吹雁下汀洲

經古墓有作

不識何年墓蕭蕭剩白楊鶴歸華表圻牛卧斷碑荒有
地哭新鬼無人吟夕陽古今真旦暮身世兩茫茫

薄葬至惠山

蹋葉西神第幾峯撲衣空翠亂芙蓉寺門落日搖衰柳
谷口疎煙度晚鐘病叟生涯雙蠟屐名山事業一吟筇
蒼官雲際疑招手認是南朝百尺松

寄曾賓谷

山中病夫苦寂寞微霞纔飄動簾幕十年何遜在揚州
想見梅花滿官閣江上先歸王鐵夫蘭雪吳嵩梁亦返東
鄉居題襟賓客散如雨座中只有劉芙初平山堂下紅
橋路竹西舊是銷魂處明年定趁廣陵潮花月春江訪
君去

尋友

歸後閉關久間來殊憶君醉尋花塢月夢泛竹溪雲寒
瀑穿林寂幽禽隔屋聞柴門此中住知己斲人羣

遣興

九峯在簷角茅屋白雲齊彈琴向明月翫花沿幽谿豈
無經世志田園非遯棲恐孤明主德夢墮金鰲西

山行

全身已入翠微間磴道盤盤著屐攀樵舍青蘿秋雨徑
僧樓紅樹夕陽山礪邊危石如人瘳嶺上孤雲似我閒
好把一枝方竹杖亂泉疎磬敬禪關

仰止樓懷二泉先生

樓在無錫泰伯瀆上之東林書院翁覃溪先生爲之記賈

子崧屬
余賦之

吾鄉有先詰最慕泉齋翁城南峙高樓隱見秋林叢昔
日讀書所俎豆龜山崇精舍稱東林嘉搆拓數弓時惟

武宗朝荒淫彼狡童極人竊國枋天地多晦蒙先生脫
屣歸運否道則豐哲人凜知幾飄然若飛鴻再召陟宗
伯旋復還山中五湖白雲在乞身葆厥終滴露點周易
蓍寐羲文通卓哉真士夫講學開顓蒙至今三百載舊
事薶蒿蓬門前百瀆水逝者曷有窮後賢此仰止緬往
欽遺風登樓騁遐矚惟見斜陽紅

冬日余自亡妻墓上歸夜過蕩蕩橋憶三十年前
偕婦經此有句云浦樹月明聞斷雁河橋霜淡見
疎燈未成章也轉眴年華頽仰非昔枕上不寐感
而足成之

重來已似白頭僧
寒夜停橈記昔曾
浦樹月明聞斷雁
河橋霜澹見疎燈
事如秋夢痕難覓
人到衰年感倍增
酒醒不堪搔短髮
青山埋骨委荒茆

槎客七十生辰以詩寄之

海昌一老重公卿
坐擁書倉富百城
齊國經師拜轅固
漢家東帛禮桓榮
須臾已入高賢傳
杖笠真餘太古情
爾我相思通一水
秋來早訂鷺鷥盟

題李石農游雁蕩詩後

病夫日日閉松扉
消雪聲喧剝啄希
失喜開緘詩一卷
龍湫瀑布列窗飛

知君康樂是前身刻畫名山面目真我謝山靈應一笑
何緣更作看山人

曾向雲嵐指老僧芙蓉朵朵落空青好將李白驚人句
誦與山中石丈聽

老僧巖余自芙蓉邨至大荆每望見之聽詩叟亦雁蕩峯名之一

平生蹤跡水中漚往事匆匆付夢游輸爾緣深儂合妬

明年也恐別東甌

余觀察東甌僅六月耳石農已聞五稔將以膺薦北行

感舊二首

東武師以乾隆乙卯沒于京邸長子汝翼御匱歸隨沒今諸子多散處四方

先生嶽嶽冠朝班大節還留天地閒豈有石亨援與弼
更無蔡氏薦龜山世人欲殺緣招忌聖主終憐邑賜
閑一著殘碁應悔錯白頭仍未返鄉關

落日秋風大鳥前斯文已喪付虞淵歸心未免淹三宿
衰骨終當傍九僊幾見門生會會葬那聞才子更無年
吟殘東武揮寒淚絕少孤雛守墓田

爲吳位三題萊竹山房圖卽和其韻

涇上人家一草堂自然上壑拂幽篁空階蘚色籬門護
隔屋梅花石徑當偶爲看雲延客緩轉緣埽葉課童忙
疏林缺處無勞補好放青山直過牆